

醫方集宜卷八總目

小兒門

臍風

變蒸

急驚

慢驚

驚風

慢脾風

天釣

內釣

中風

癩疾

疳疾

夜啼客忤咳嗽

喘急

脾胃

泄瀉

嘔吐

霍亂

痢疾

瘡疾

積聚

腫脹

傷寒

傷風

脫肛

五軟

大便不通

卷八總目終

醫方集宜卷之八

小兒門

夫醫之道莫難乎小兒蓋一忽有病不可以脈切不可以言審惟在察色聽聲要知疾病之由是亦難矣若小兒初生之後稟受胎元厚者疾病自少稟受怯弱者不加保護生病多端或受驚觸或傷飲食或冒風寒皆能致疾若非燭理之明曷能辨哉一或少差為害不淺業此者又當以明症而治療焉

小兒指掌脈紋圖

男左女右看手掌虎口紋法

一風關易治

一氣關疾深

一命關惡候


其症候看紋過寅關初病卯關疾深辰關難治

一寅關青色是四足驚

二卯關赤色是人驚

三辰關黑色是水驚

三關通度見五色者難治



看三關紋法

魚刺紋

Y

風關青色如魚刺者是初驚易治

氣關青色如魚刺者疳癆身熱易治

命關青色如魚刺主風邪入脾難治

懸針紋

風關青色如懸針主水驚易治

氣關赤色如懸針主肝肺臟積熱

命關有此形五色皆惡候

水字紋

水

風關如水字主驚風入肺咳嗽面赤

氣關如水字隔上有涎并虛積傷滯

命關如水字主驚風疳極候

乙字紋

乙

風關如乙字主肝臟驚風易治

氣闕如乙字主驚風病重

命闕如乙字青黑色主慢驚難治

曲蟲紋

3

風闕如曲蟲疳積聚

氣闕如曲蟲主大腸積穢

命闕如曲蟲主心病傳肝難治

環紋

5

風闕如環主肝臟疳疾積聚

氣闕如環主疳入胃吐逆者不治

命闕如環者病不治

亂紋形 以以心以

風氣二關如亂紋者可治

通命關者難治

乙此文在手或在面或在左右臉皆死候

多紋曲鈎裏者是氣疔

乞紋曲外鈎者是風疔

✓斜勾右者是傷寒身熱不食無汗向左者是傷風
身熱不食有汗

33 雙勾脚者是傷寒

乡三曲如長蟲者是傷硬物

②兩曲如勾者是傷冷物

③一頭如環有脚是傷冷物

④三關紋不足者是風氣蟲積

小兒神異八段錦

Y形如魚刺

魚刺生紋亦與通

風關若見是初驚

忽然黑色緣風盛

總有靈丹未必惺

長至氣關心轉病

渾身紅熱定還輕

命關氣盛轉脾臟

任是盧醫救不寧

一形如懸針

懸針青黑在風關

被水驚來莫等閑

赤色氣關疳入肺

命關要救救應難

最怕青黑兼紅紫

必定須教命不還

通透三關休用藥

慢驚傳變少靈丹

水形如水字

水字風關氣受傷

驚風入肺病相當

更兼咳嗽粘涎盛

面赤須當早用防

若見氣關涎在膈

胸中痰盛有隨方

命關若見風疳盛

通透三關命即亡

乙形如乙字

乙字肝家受病初

驚風肺臟治難居

氣關若見紋雙紫

肝病肝方好藥醫

若見命關驚入胃

不論青黑病難除

若遠俱見三關上

此是肝家死有餘

子形如曲蟲

曲蟲疳病在風關

肝病傳脾肚腫寬

纔過氣關遠肚腫

脾家有積治須安

急肝屬腎宜醫早

莫待稽遲恐救難

長到命關心便熱

驚疳莫治病相闕

乙形如耳環

醫心集

卷之六

如環形候風闕見

脾腎傳疴莫等閑

腹內積傷兼內實

莫教傳變長中闕

氣闕紋見風生胃

吐逆之時恐救難

若到命闕休要治

縱然有命也難看

亂紋形如亂紋

蟲咬心頭苦忍難

亂紋形候在風闕

更須何處覓靈丹

用藥驅蟲心疾愈

可將苦練味推詳

別藥疴蟲不能去

良辰服了便身安

一兩爐中炙為末

象形如流珠

流珠死候不堪醫

右手三關除此虧

右臉有紋半夜死

左邊紋見看申時

○看紋歌訣

虎口亂紋多

須知氣不和

色青驚積聚

下亂瀉如何

青黑慢驚發

入掌內吊多

三關忽通過

此候必沉疴

左右紅生似線形

定是傷脾發熱驚

右有雙紋如左狀

食因驚積一齊生

紋頭有似三叉樣

肺氣生痰夜作聲

赤青應有傷寒症

只是單紅瀉定生

指上辨青紋

認是四足驚

黑色因水撲

赤是被入驚

紫色熱而瀉

黃色是雷驚

曲裏風遠盛

灣分食上蒸

但看入手處

方可辨其形

○ 診脈口訣

小兒有病須憑脈

一指三關定其息

浮洪風盛

數多驚 虛冷沉遲實有積

小兒一歲至三歲

呼吸須將八至看

九至不安

十至困 短長大小有邪干

小兒脈緊是風癇

沉脈須知乳化難

腹痛緊弦

牢實秘 沉而遲者骨中寒

小兒脈大多風熱 沉細緣因乳食結 弦長知是

胃肝風 緊數驚風四肢掣

浮洪胃口似火燒 沉緊腹中痛不歇 虛濡有氣

更兼風 脈乳多痢大便血

前大後小童脈順 前小後大必氣咽 九至洪來

苦煩滿 沉細腹中痛切切

滑主露濕冷所傷 弦長客忤分說明 息數平和

八至七 此是聖賢傳妙訣

凡看小兒一歲至七歲一息八至或云六至是平

和無病之脈九至為數十至為極五至為遲四至
為敗十歲以上六至為平和七數八極四遲三敗
此呼吸之至數也

○小兒無病歌

小兒常體貌

情態自端然

鼻內無乾涕

喉中絕無涎

頭如青黛染

唇似點珠鮮

臉芳花映竹

頤綻水中蓮

喜引纒方笑

非因手不宣

縱哭無多哭

雖眠不久眠

意同波浪靜

情若月明天

此兒安又吉

何愁病患纏

○小兒外證惡候歌

眼上赤脈

下貫瞳人

顛門腫起

兼及作坑

鼻乾黑燥

肚大筋青

目多直視

覩不轉睛

指甲黑色

忽作鴟聲

虛舌出口

嚙齒咬人

魚口氣急


啼不作聲

虵蟲既出

必是死形

用藥速救

十死一生



○察形色之圖

五臟五位所屬

心為額南方火

肝為左頰東方木

脾為鼻中央土

肺為右頰西方金

腎為頤北方水

○四時察色

春色青屬木

夏色紅屬火

季夏色黃屬土

秋色白屬金

冬色黑屬水

四季皆不宜純色

○五臟部位見色變證

額紅因火熱

青色有肝風

黃色相生順

黑色水來侵

印堂青色見

人驚與物驚

紅赤因胎熱

黑色不堪論

山根青隱隱

驚疾已重重

黃色脾傷食

黑暗死臨身

年壽黑相侵 命夭定然真 惡痢因斯色


青黃吐瀉頻 鼻準微黃吉 深黃惡症臨

青赤多應吐 黑色有災速 兩臉多黃色

濕痰熱難當 青為客忤病 紅赤熱傷寒

頤間青色見 肝病有微驚 黑色惟冬順

黃赤是雷驚



慢驚風候

吐瀉多時起慢驚 額青汗出眼微昏
頭低困睡舌常吐 身冷涎腥眼露睛



急驚風候

牙關緊急熱涎潮
 搐搦急驚風熱盛
 眼瞪唇紅頭動搖
 此痰除熱病隨消

傷寒候歌

惡寒發熱面皮紅
 熱多內實身常露
 此為表症汗須通
 煩渴掀衣裏症明

痘疹候歌

如斯氣色耳聾冷
 發熱似驚身戰動
 嗽嚏時時手足寒
 眼中生眵脈浮長

食驚瀉痢候

青黃白色食因驚
 臟腑不調成痢病
 泄瀉多時便轉青
 熱紅冷白症分明
 此是驚瀉痢之候腹痛赤白如凍作渴煩熱不
 食者不治



疳疾候

咬牙唇白肢枯細
毛髮焦分尿色白
口渴眼昏身作熱
瀉青嘔逆皆疳候

乳食無調脾胃傷
腹脹虛响體形黃
搆眉揉鼻面皮光
自有良方保命長

丁奚

項小腹高肢體細
久結骨蒸脾胃衰

全無精采不時啼
嬰童有此號丁奚

哺露

頭骨分開熱往來
肌膚消鑠成哺露

吐蟲翻食胃多災
煩渴無神眼不開

無辜

腦後項邊多結核
形羸壯熱便膿血

蓋緣辜烏拂兜衣
蟲入皮膚命早歸

此三症者皆中間小兒氣色之症也

候山根

山根黑色死來臨

紫氣多因乳食驚

青色必因人叫喚

醫家仔細要分明

候死氣色

額顙黑暗口唇青

直視搖頭不轉睛

喉內涎聲如拽鋸

此皆死候不須論

此是五臟六腑氣敗見黑暗之氣縱有良藥莫能治也

形證



小兒臍風之病是初生之後由斷臍不謹致有三症
生焉曰噤風曰撮口曰臍風名症雖殊實一種病也

噤風者其症口噤眼閉啼聲漸少舌上如粟不能吮
乳口吐白沫二便不通此由胎受熱毒流入於脾而
有此症撮口者面黃氣喘啼聲不出此由胎熱傷於
心脾故舌強唇青口撮不能吮乳臍風者由斷臍之
後為水濕風冷入於臍中流於心脾以致腹脹臍腫
四肢柔直日夜多啼吮乳不得發為風搐皆是惡候
若一臘內見之實為難治如坐視其斃良可憫哉須
看兒牙齦之上若有白泡如粟米急以溫水蘸布裏
指擦破即開口便安亦不服藥自愈此良法也若滿
口生白瘡不能吮乳者名鎖隔難治

變蒸之疾變者易也蒸者蒸於五臟氣血而然也蓋
兒初生之後至三十二日為一變六十四日為一
蒸每經一變一蒸便覺情性有異於前其病輕則
發熱有似驚狀重則壯熱嘔吐汗出煩渴輕者三
五日解重者七八日解其症類似風寒但變蒸則
耳聾冷上唇發泡啼哭不已治當和平之劑微解
其表微利其裏勿用寒涼峻利之藥或有不治自
愈經云十變五蒸一歲有餘變蒸畢矣
急驚之症其發猛惡忽然牙關緊急壯熱涎潮竄視
反張搐搦搖頭口中熱氣頰赤唇紅紋青脈數小

便澁黃蓋因內有積熱外受風邪心受熱而積驚
肝生風而發搐以致痰涎壅塞口噤無知發作一
時治當宜速緩則病深而難退矣

慢驚之疾多因吐瀉久而發於脾胃或急驚久而過
用寒涼變為慢驚其症手足瘈瘲昏睡露睛涎鳴
微喘眼開神緩吐舌搖頭乍發乍靜四肢發熱口
鼻氣冷面色淡青此為慢驚之候也治當調胃藥
中加以截風定搐之劑使陰陽之氣和平則慢驚
之疾可得而止矣

慢脾風病症起自慢驚所傳或久因吐瀉以致胃氣

虛故脾受風邪而作也其症面青額汗舌短頭低
眼合不開困睡搖頭吐舌吐腥口噤咬牙手足發
搐肢冷脈微及其治也欲逐其風無風可逐欲療
其驚無驚可療微見喉中痰涎虛熱往來神志昏
迷世所謂慢驚風難療者慢脾風是也大凡小兒
得此病者十救一二若初見搖頭目常斜視以手
摸人困睡多汗即是慢脾風之作也速用養脾逐
風之藥尚可回生若待前症悉見則難救矣
驚風之病瀉青虛惕痰涎來去面紅發熱此因風將
生而未至也惕惕夜啼面青咬牙喘息竄視是驚

醫林類聚
卷之四
三
將至而未大作也。看在何臟受病而祛散之。須聽
睡中驚啼之聲。若浮亮者易治。沉啞者難治。

天鈞屬陽。其症壯熱驚惕。眼目翻騰。手足抽掣。啼叫
甲青。此由心肺生熱。而然。治當解利。

內鈞屬陰。其症腹痛多啼。囊腫唇黑。眼內紅絲。胸高
脚縮。此由胎受驚風。內臟抽掣。治當溫暖腎肝而
愈。

中風乃驟病也。倉卒之間。昏不知人。蓋因小兒氣血
未定。寒溫失調。邪從虛入。其症壯熱。面赤。搐掣氣
麤。口噤。涎潮。或口眼喎斜。是其候也。

夜啼客忤夜啼者是臟冷至夜陰盛腹中作痛啼叫而不安也

客忤因客氣異物暴觸而忤其症似驚口出青沫喘息瘕癢但眼不上竅耳

癇疾乃小兒之惡病也其症卒然昏仆口噤涎流項強反張目瞪直視手足抽掣發而時醒者為癇若身硬直而終日不醒者為瘕瘕蓋癇雖有五而致疾之由有三曰驚曰風曰食若震駭恐怖打墜積驚叫啼恍惚是為驚癇若汗出脫衣風邪襲入積熱生痰屈指如計數者是為風癇食時受驚停滯

乳食結為驚癖是為食癩古云癩應六畜當時以
其啼叫之聲音相類如六畜之狀故得名耳

小兒疳疾皆由乳食不調肥甘無節而作也蓋因臟
腑薄嫩飽傷胃飢傷脾飢飽不勻致傷脾胃疳疾
由此而生也其狀身發潮熱腹脹腸鳴尿如白漿
頭皮光急毛髮焦稀揉鼻擗眉體黃唇白口渴自
汗眼昏泄瀉皆疳候病闔乎五臟亦有五疳之名
雖起於乳食之不調莫不有因虛積日久而化為
蟲治當殺蟲養胃是為切要餘以隨症處方而治

療焉

咳嗽之疾非止一端或感冒風寒或積驚生熱皆能
為嗽若因風邪傷於肺氣其狀鼻塞聲重或流清
涕身發寒熱此傷風之嗽也若積驚生熱熱盛生
痰其狀喉中鳴急聲濁痰多漱聲不止此積熱之
嗽也若久嗽不已傳入五臟各隨臟症而取療焉
喘急之病蓋喘與氣急異名而同出喘即口張難息
氣急則息短促漸加之而為喘也惟在輕重而已
有因風寒傷肺久而不散必生熱熱則氣麤而變
為喘也或食鹽酸以滄肺腕而為哮喘治當明辨
以求治焉

脾胃之病乃小兒切要一或乳食不調脾胃受傷胃傷則嘔吐而不食脾傷則膨脹面黃腹痛泄瀉乳穀不化所謂乳多終損胃食滂即傷脾是也

泄瀉之疾有虛有實若是飲食不調損傷脾胃食滯不行或完穀而出或水道不分若濕流脾中則煩渴而水瀉此脾實而受濕之瀉也有脾虛不能運化飲食食後膨脹而作瀉此乃脾虛之瀉也其症初作便勿以參朮訶子補溢之藥先要消導分利若久而不止補劑宜矣

嘔吐之疾由脾胃嫩弱乳食不調或為驚觸或受風

寒以致不納乳食亦有胃熱生痰皆令作嘔先宜
消食化痰散寒各求所因而治焉

霍亂之症多因暑月乳食不調或傷生冷油麵之物
伏熱內作清濁相干致令吐而瀉也或煩渴引飲
或肢冷神昏又當臨症辨其寒熱而治焉

痢疾之由脾胃氣弱或外受暑濕之邪或內傷生冷
油麵之物積滯於腸胃之間令人腹痛而裏急也
色有赤白之殊以分氣血之為病亦當分氣分血
而求治焉若嘔吐噤口而四肢逆冷穀道空虛常
流黃汁者不治發熱煩燥喘急者亦不治

瘡疾由夏傷於暑邪客經絡秋陽復收兩熱相攻必
作瘡矣或因乳食不調致傷脾胃或持挹解脫無
時不避風寒邪入皮膚致令氣血不和陰陽交爭
所以寒熱作而為瘡也

積滯之病面色萎黃腹脹浮腫多睡食少大便滯澀
小便如油或吐瀉酸臭皆積之症也有乳積有驚
氣積有食積治當分辨以消磨之

腫脹是飲食不調凝滯不化過餐生冷致傷脾胃不
能轉化氣不升降而腫脹生焉或有風寒傷肺使
氣逆而為喘腫治當推其原而分消之

傷寒之病與大人無異治法皆同其所異者兼驚夾
食而已其症初發身惡風寒必畏人藏隱之此表
症也面赤露頭搖手擲足煩渴糞燥掀被氣粗此
裏症也若頭溫足冷腹痛便青此陰寒病也治當
分辨發表攻裏溫散可也

傷風之病是肺感風邪其症咳嗽聲重鼻塞流涕身
作寒熱痰盛氣粗甚則為喘法當先表散而後清
解可也

大便不通乃是大腸積熱以致秘結不通腹脹妨悶
忽作臍痛小便不利乃是熱入小腸使膀胱之氣

不化以致小水不利而秘澀也治當通利之
脫肛多是瀉痢久而大腸氣虛或有熱積腸中使糞
閉脫出而不收也

五軟者頭軟項軟手軟脚軟肌肉軟是也

治法并方

○ 臍風撮口

一小兒初生之後便看臍帶如麤大色白者六七日
之間定有撮風病速用眉掠柄將臍帶離臍寸上
破開以柔帛揩淨盤住待三日內艾火蒸過可無
此患不然此症初見看兒牙齦上有小泡子如粟

米即以溫水蘸熱帛裹指輕輕擦破開口便安不
須用藥此良法也

一撮口風宜用 撮風散 保命丹 猪乳膏

撮風散

用白殭蚕直者炒末硃砂少許同研勻細搽口內

保命丹 方見驚門

猪乳膏 治胎驚

琥珀 一錢 硃砂 五分 防風 一錢

右為細末用猪乳調抹口內

變蒸

一變蒸解表宜用 惺惺散

一變蒸和裏宜用 紫霜丸

惺惺散 治變蒸發熱因受風寒咳嗽鼻塞或發痘

疹

人參 一分 白朮 五分 茯苓 六分 甘草 一分

芍藥 五分 桔梗 三分 細辛 一分 天花粉 四分

防風 三分 川芎 三分

每帖用水一鍾姜一片黑棗一枚煎至四分不拘

時服

紫霜丸 治變蒸發熱因乳食不化大便酸臭嘔吐

乳食

代赭石 火煨醋淬七次

赤石脂 各五錢

杏仁 去皮尖炒二十五個

巴豆 十五粒去油膜

右為細末蒸餅為丸如粟米大一歲每服五丸清

米飲送下

急驚

一急驚忽然牙關緊急目瞪直視不能作聲者宜用

通關散 定驚散

一急驚痰盛發熱手足搐搦氣粗頰赤宜用

保命丹 牛黃鎮心丸 金箔鎮心丸 保生錠

子 鎮驚錠子

一痰涎壅盛風熱上攻喘粗發搐宜用 牛黃清心

丸 紫金錠子 辰砂抱龍丸 珍珠丸

一驚風發熱痰盛宜用 柴胡黃芩湯 人參羌活

散 至寶天麻丹

一急驚久而漸傳慢候宜用 全身保壽丹

通關散 治急驚牙關緊急不能作聲

猪牙皂角 白殭蚕 南星 各等分

右為末擦牙上

定驚散 治同上

半夏 牙皂 細辛

右為末吹鼻中

保命丹 治急驚痰盛發熱手足搐搦氣粗頰赤

硃砂 五錢 全蝎 去鹽毒焙乾五錢 巴豆 去油

膜三錢 蜈蚣 去頭足新瓦焙乾

右為末用粽子尖丸如粟米大薄荷湯送下

牛黃鎮心丸 治同上

胆星 五錢 硃砂 一錢 天竺黃 二錢 雄黃 五

分 牛黃 五分 赭石 一錢 大黃 酒蒸焙乾為末

麝香 一分

右為細末用煉蜜和丸如龍眼核大每服一九燈

心湯送下

金箔鎮心丸 治同上

雄黃 辰砂 天竺黃 各一錢 胆星 三錢

牛黃 五分 人參 一錢 麝香 三分 茯苓

山藥 各一錢 金箔 五片

右為末用煉蜜和丸如芡實大金箔為衣每服一

丸燈心薄荷湯送下

保生錠子 治一切驚風等症

硃砂 雄黃 各二錢五分 赭石 火煨水淬

蛇含石 火煨 天竺黃 名二錢 胆星 全蝎 去

鹽毒焙乾各五錢 麝香 一錢 甘草 琥珀 各

三錢另 珍珠 二錢另 牛黃 一錢 防風 一兩

人參 三錢 僵蚕 五錢炒 金箔 銀箔 各十片

右為末糯米飯和作錠子硃砂為衣薄荷湯化下

一錠如夜啼燈心湯磨化下

鎮金錠子 治驚風發熱動悸瘡毒并皆治之

防風 薄荷 各一兩 連翹 八錢 大黃 一兩

山梔 八錢 姜蚕 五錢 甘草 三錢 黃連 五錢

麝香 二錢 川芎 三錢 硃砂 五錢

右為末用糯米飯和做錠子硃砂為衣每服一錠
用燈心湯磨化下

牛黃清心丸 定魂魄安五臟化痰涎消驚熱

天麻 白附子 各五錢 甘草 三錢 牛黃 一錢

硃砂 二錢五分 胆星 薄荷 各一兩 雄黃 二

錢五分 麝香 一錢五分 人參 二錢五分

金箔 十片 腦子 一錢

右為末煉蜜和丸重三分一粒每服一粒燈心湯
化下

紫金錠子 治驚風發搐痰盛作熱

胆星 天麻 各二錢
全蝎 去鹽毒焙
殭蚕 直

者炒各一錢
白附子 二錢
牛黃 五分

牛腦 五分
麝香 二分
硃砂 三錢
蛇含石 八

錢火煨醋淬七次
代赭石 火煨醋淬七次三錢

右為末用糯米糊和做錠子每重五分用薄荷湯

化下

長砂抱龍丸 治小兒驚怖發熱咳嗽有痰慢風等

症及痘疹後發熱咳嗽

胆星 二兩
天竺黃 五錢
雄黃 二錢五分

硃砂 二錢五分
麝香 三分
甘草 一錢

右為末用煉蜜和丸如芡實大每服一九燈心湯
化下

珍珠丸 治小兒急慢驚風搐搦發熱咳嗽痰涎壅

塞盛

白附子 輕粉 胆星 滑石 各一錢 全蝎 去

鹽毒焙五分 巴豆 二十四個煮熟去油

右為末麵糊丸如粟米大三歲以上每服一十五
丸用葱白湯送下微汗則愈

柴胡黃芩湯 治驚風發熱痰盛

柴胡 黃芩 半夏 甘草 人參 大黃

每帖水一鍾姜一片棗一枚煎五分不拘時服

人參羌活湯 治驚風發熱

柴胡 地骨皮 天麻 前胡 人參 川芎

獨活 羌活 枳壳 茯苓 桔梗 甘草

每帖水一鍾姜一片黑棗一枚煎五分服

至寶天麻丹 治驚風發熱痰盛

天麻 防風 人參 胆星 各一兩 僵蚕

全蝎 各五錢去鹽毒焙 牛黃 麝香 各一錢

硃砂 二錢五分 甘草 二錢 鈎藤 一錢五分

茯苓 五錢 雄黃 二錢 白附子 膩粉 乳香

各二錢

腦子 一錢

金箔 七片

天竺黃 二錢

五分

右為末用煉蜜和丸如芡實大金箔為衣薄荷燈

心湯化下

全身保壽丹

治小兒急驚風傳入慢驚

茯苓 二錢

硃砂

白附子

甘草

朋砂

各一錢

南星

全蝎

去鹽毒焙

天麻

各二錢

牛黃 五厘

腦子

麝香

各五厘

右為末用煉蜜和丸如芡實大每服一丸薄荷湯

化下

慢驚

一慢驚因吐瀉久而變作驚候者宜用 活命飲子

醒脾散 定命飲子

一慢驚初作手足微動昏睡露睛涎鳴微喘宜用

防風天麻湯

一驚熱久漸為慢候不退者宜用 羌活膏 合胆

星膏

一慢驚將傳慢脾風候者宜用 全蝎觀音散

保生丹 王氏惺惺散

活命飲子 治嬰孩吐瀉變作驚風困沉不食

木香 全蝎炒 天麻 人參 茯苓 白朮

甘草炙 殭蚕炒 白附子炮

每帖水一鍾姜一片黑棗一枚煎五分服

醒脾散 治小兒吐瀉不止痰作驚風脾困昏睡不

食嘆氣

木香五分 人參五分 白朮一錢 蓮米五個

全蝎四分 橘皮五分 茯苓一錢 甘草一分

天麻五分 有痰加 南星五分

每帖水一鍾姜一片黑棗一枚煎五分服 作末

服亦可

定命飲子 治小兒吐瀉日久脾胃虛弱發作慢驚

搖擗不已傳入慢脾風候亦可服

半夏 天麻 甘草 茯苓 白朮

每帖水一鍾姜一片棗一枚煎五分不拘時服

防風天麻湯 治小兒恐成慢驚風候須服此藥

防風 天麻 僵蚕 茯苓 人參 半夏

甘草 川芎 蟬退 羌活 陳皮

○有痰加胆星 ○風盛加全蝎

水一鍾姜一片煎五分服

羌活膏 治風熱驚痰合胆星膏用

羌活 防風 川芎 天麻 薄荷 各一錢

甘草 人參 各五分 全蝎 去鹽毒焙五分

右為末煉蜜和丸燈心湯化下

胆星膏

胆星 四錢 硃砂 雄黃 白附子 僵蚕 各一

麝香 少許

右為末煉蜜和丸燈心湯化下。如脾胃虛用

冬瓜子煎湯化下

全蝎觀音散 治慢驚及慢脾風尤宜服此

黃芪 人參 木香 甘草 蓮肉 扁豆

茯苓 白朮 全蝎 防風 羌活 天麻

每帖水一鍾棗一枚煎五分不拘時服

王氏惺惺散 治脾困內虛將作慢驚

人參 茯苓 木香 天麻 扁豆 全蝎

陳米 各等分

每帖水一鍾姜一片棗一枚煎五分不拘時服

保生丹 治慢驚尚有陽症

全蝎 白附子 僵蚕 胆星 蟬退 琥珀

辰砂 防風 各一錢 麝香 少許

右為末用粟米糊丸如桐子大金箔為衣每服一

丸用薄荷湯化下

慢脾風候

一慢脾風症乃是胃虛受風面青額汗舌強頭低吐

腥口噤肢冷脈微宜用 蝎附散 君附散

一慢脾風久困吐瀉困睡不食多汗宜用 殊君散

異攻散

一痰涎或作微喘強者宜用 白殭蚕丸

蝎附散 治慢風回陽氣豁痰涎

全蝎 黑附子 白附子 南星 木香

水一鍾姜五片煎五分不拘時服

君附散 健胃回陽

白朮 茯苓 人參 甘草 黑附子

水一鍾姜一片棗一枚煎五分服

殊君散 治慢脾困睡不食多汗

殊砂 一錢 人參 茯苓 白朮 各二錢

甘草 炙五分

右為末每服五分清米湯調下

異功散 正胃氣止吐瀉

橘紅 木香 人參 白朮 茯苓 甘草

水一鍾姜一片棗一枚煎五分不拘時服

白殭蚕丸 治慢風化痰

胆星 二錢 殭蚕 地龍 全蝎 五靈脂

半夏 麩 各一錢

右為末糊丸如薔子大每服十五丸姜湯送下

驚風

一驚風症瀉青痰鳴發熱驚風將至者宜用 蟬退

鈎藤飲

一驚熱內實者宜用 青龍丸 牛黃鎮心丸

一驚候發熱神不寧者宜用 安神丸 鎮驚錠子

蟬退鈎藤飲 治風邪入內肚疼夜啼痰鳴發熱

鈎藤 蟬退 天麻 茯苓 川芎 芍藥

甘草

水一鍾燈心五根煎服

青龍丸 治驚熱內實

青黛 蘆薈 全蝎 炒各一錢 茯神 南星 各

二錢 輕粉 巴豆 去油各五分 麝香 少許

為末飯丸如黍大硃砂為衣每服七丸薄荷湯下

量大小用

牛黃鎮心丸 方見驚門 治同上

安神丸 治驚風

人參 茯神 麥門冬 山藥 龍齒 金箔

片腦 硃砂 甘草 寒水石

為末蜜丸芡實大每一丸燈心湯化下

一方用風化硝無 龍齒 人參

鎮驚錠子 方見前 治驚候發熱神不寧

天鈞內鈞

一天鈞宜用 鈞藤散 鈞藤飲

一內鈞宜用 木香丸 乳香丸 鈞藤湯

鈞藤散 治天鈞壯熱眼翻手袖掣驚啼

鈞藤 茯苓 大黃 煨 防風 硃砂 蟬退

羌活 獨活 青皮 甘草

為末姜棗煎湯調下

鈎藤飲 治天鈎潮熱

鈎藤 人參 犀角 甘草 全蝎 天麻

水一鍾姜一片煎五分服

木香丸 治驚風內鈎腹痛夜啼

沒藥 木香 茴香 鈎藤 全蝎 乳香

右為末糊丸如蘿蔔子大每服十五丸燈心湯送

下

乳香丸 治內鈎腹痛驚啼

乳香 沒藥 沉香 蝎梢 各一錢 檳榔 二錢

右為末煉蜜和丸如芡實大每服一丸用鈎藤湯

化下

鈎藤湯 治夜啼臟冷

鈎藤鈎 茯神 茯苓 川芎 當歸 木香

甘草 芍藥

水一鍾姜一片棗一枚煎五分服

○中風

通關散 治中風昏不出聲

細辛 薄荷 牙皂 雄黃 名等分

為末吹鼻中

省風湯 治小兒中風痰盛

南星 防風 甘草 半夏 黃芩

水一鍾姜二片煎服

續命湯 治中風不省人事涎鳴反張失音厥冷

麻黃 人參 黃芩 川芎 芍藥 甘草

杏仁 防己 防風 肉桂 附子

○有熱去附子 官桂

水一鍾姜一片棗一枚煎服

牛黃丸 治驚風中風五癇天釣客忤潮熱

川烏 白附子 全蝎 天麻 薄荷各五錢

雄黃 辰砂 各三錢 牛黃 一錢 腦子 麝香

各五分 一方有白花蛇肉 酒浸

右為末用麻黃熬膏和丸如芡實大用金箔薄荷

煎湯磨化下

人參羌活散 保命丹 珍珠丸

方見前 俱可服

排風湯 治中風昏潰或狂語失音精神錯亂

白蘚皮 白朮 芍藥 桂心 川芎 當歸

杏仁 防風 甘草 獨活 麻黃 茯苓

水一鍾姜一片棗一枚煎六分服

星香散 治中風

南星 木香 陳皮 全蝎 甘草

姜棗煎服

○夜啼客忤

花火膏 治夜啼

燈花 五個 朋砂 辰砂 俱少許

研細末用蜜調塗乳上令兒吮之

木香散 治小兒腹痛夜啼

木香 五分 芍藥 炒一錢 甘草 五分 當歸 一錢

黃芪 一錢

右為末用蜜調塗乳上令兒吮之

龍齒散 治拘哭腹疼驚熱

龍齒 蟬蛻 人參 天麻 全蝎 各一錢

羌活 茯苓 防風 各二錢

為末燈心湯調下煎服亦可

蟬蛻鉤藤飲 方見前

理中丸 俱治夜啼 方見中寒門

黃土散 治客忤

灶中黃土 蚯蚓泥 各等分

為末水調塗頭上及五心上

牛黃丸 治客忤 方見前

○癩疾

牛黃丸 治驚癩

胆星 二錢 全蝎 蟬蛻 各一錢 防風 天麻

白附子 僵蚕 各一錢五分 麝香 少許

為細末用棗肉為丸如棗豆大每服十五丸姜湯

下

化風丹 治風癩

胆星 羌活 獨活 天麻 防風 甘草

荆芥 人參 川芎

右為末煉蜜和丸如龍眼大每用一九薄荷湯送

下

妙聖丹 治食癩

代赭石 醋煨 雄黃 蝎梢 辰砂 各一錢

輕粉 三分 麝香 少許 杏仁 十粒去皮尖

巴豆 三粒去油

為末棗肉和丸如粟米大每服七丸量大小用

虎睛丸 治小兒驚癇邪入心經

虎睛 研細 遠志 去心姜製 犀角 二錢

大黃 酒煨 二錢五分

石菖蒲 二錢五分

麥門冬 去心 二錢五分

蜣螂 三枚 去足翅

為末 粟米糊和丸如。大每服十五丸 竹葉湯下

比金膏 治驚癇 先用此

人參 琥珀 茯苓 遠志 硃砂 天麻

石菖蒲 川芎 南星 姜製 各二錢 麝香 一字

青黛 一錢

右為末 用煉蜜和丸如桐子 大每服一丸 金銀煎

湯化下

星珠丸 定癇利痰

南星 一兩 紙色煨

辰砂 一錢

右為末 猪心血和丸 如桐子大 每服一丸 防風湯化下

○疳疾

肥兒丸 治疳疾 腹膨 食少 身瘦 髮乾

黃連

蘇莢仁 炒

麥牙 炒

神糶 炒 各五錢

青皮

史君子

各二錢五分

右為末 用粟米糊和丸 如蘿蔔子大 每服二三十丸 米飲送下

肥兒丸 治小兒 缺乳 吃食太早 損傷脾胃 日漸羸

瘦腹大作瀉肢細不能行發熱

黃連 神麴 炒各一兩 麥牙 炒五錢 木香 二

錢 檳榔 二個不見火 史君子肉 五錢

肉豆蔻 麴色炮五錢

右為末麵糊和丸如蘿蔔子大每服二三十丸熟
水送下

加味蘆薈丸 治小兒五疳腹中痞塊有蟲面黃肚

大眼閉羞明四肢枯細腸鳴泄瀉頭髮乾豎潮熱
口乾溺如米泔水多服神效

胡黃連 川黃連 蘆薈 各一兩 蕪荑仁

木香 青黛 各五錢 青皮 史君子肉

檳榔 各七錢五分 蟬蛻 四錢去足土 乾蝦蟆

二個醋炙 麝香 一錢

右為末用獾猪胆一個和粟米糊為丸如小菜豆
大每服量兒大小用米飲送下

香蟬丸 治疳疾發熱消食積蟲肉積腹脹

白朮 一兩 三稜 炒 蓬朮 炒 青皮 炒 陳皮

神麩 炒 麥牙 炒 檳榔 龍胆 各五錢 黃連

胡黃連 川棟子 去核 史君子 去壳 各四錢

木香 二錢 乾蝦蟆 二個醋炙 麝香 一錢

右為末麵糊和丸麻子大每服十五丸空心米湯

下

大蘆薈丸

治小兒諸疳殺蟲止瀉

胡黃連

川黃連

蘆薈

白蘘薹仁

木香

青皮

雷丸

赤者不用

鶴虱

炒各五錢

右為末粟米糊丸如棗豆大每服二十九丸米湯送

下

鷄旦丸

治小兒疳疾

木鱉子

去壳五十個

史君子肉

三十個

青黛

一錢

右為末用麵糊丸如龍眼大每服一丸用鷄蛋一枚將藥入內同攪勻蒸熟服

十全丹 治小兒丁溪哺露

檳榔 青皮 陳皮 三稜 蓬朮 砂仁 各五錢

丁香 木香 各一錢 史君子肉 香附 各五錢

右為細末用麵糊和丸如麻子大每服二三十丸

米湯送下

五疳消食丸 治疳殺蟲退熱磨積

史君子 去壳炒 麥牙 炒 陳皮 神麴 炒

蕪荑仁 炒 龍胆草 黃連 炒 棠球子 各等分

右為末陳米糊和丸如黍米大每服十五丸米湯送下

肥兒保和丸 治小兒疳熱消瘦

白朮 山查 神麴炒 麥牙炒 陳皮各一兩

半夏姜製 蘿蔔子 茯苓 肉果炮 史君子

去壳 檳榔各五錢 木香 枳實炒各三錢

黃連 一兩

為末糊丸如麻子大每服三十丸米湯送下

蘆薈肥兒丸 治小兒發熱肌瘦髮稀膚燥肚脹青

筋

胡黃連

川黃連

蘆薈

神麩

各五錢

檳榔

陳皮 各七錢

史君子

白朮 各一兩

青黛 三錢

木香 二錢五分

右為末煉蜜和丸如龍眼大每服一九米湯化下

肥兒養脾丸

治小兒肢體黃瘦發熱腹疼作瀉作

脹或大便濃血并皆治之

白朮 一兩

史君子 去壳七錢

胡黃連

肉豆蔻

炮 各三錢

人參

神麩 炒

麥牙 炒

川黃連

各五錢

甘草 一錢

右為末煉蜜和丸如龍眼大每服一九空心米飲

化下

○咳嗽咳嗽難治歌

嬰兒咳嗽皆屬肺

渴飲面青難免睡

顛陷狂躁上氣粗

諸嗽逢之多不治

華蓋散

治肺感風邪咳嗽上氣鼻塞聲重

麻黃

紫蘇

桑皮

陳皮

杏仁

茯苓

甘草

水一鍾姜一片棗一枚煎五分食遠服

九寶飲

治肺受風寒咳嗽氣喘發散

紫蘇

桑皮

陳皮

麻黃

官桂

大腹皮

薄荷 杏仁 甘草

姜一片烏梅半個煎五分食後服

參蘇飲 治小兒傷風咳嗽發熱

人參 紫蘇 陳皮 枳壳 桔梗 前胡

茯苓 甘草 半夏 乾葛 木香

一方去木香加 柴胡 桑皮

水一鍾姜一片紅棗一枚煎五分服

三拗湯 治小兒傷風

麻黃 杏仁 甘草

水一鍾姜一片葱白一寸煎五分溫服取汗

金沸草散 治小兒傷風涕唾稠粘頭痛寒熱

金沸草 荆芥 前胡 麻黃 甘草 半夏

芍藥

水一鍾姜一片棗一枚煎五分服

紫苑湯 治小兒咳嗽

紫苑 貝母 蘇子 杏仁 桔梗 陳皮

茯苓 半夏 桑皮 甘草

水二鍾姜一片棗一枚煎服

款花膏 治小兒咳嗽吐痰涎盛嘔逆惡心咳血肺

喘

人參 五味子 各四錢 欵冬仁 杏仁

茯苓 各八錢 紫苑 桑白皮 紫蘇 檳榔

百部 貝母 半夏麩 各五錢 木香 三錢

右為末煉蜜和丸每服一丸重六分食後姜湯化

下

參杏膏 治小兒久嗽不止或咳嗽痰中有血

人參 五錢 欵冬花 六錢 五味子 三錢

阿膠 蛤粉炒成珠 杏仁 去皮夫炒貝母 各八錢

右為末煉蜜和丸每服一丸重六分姜湯化下

青金丹 治小兒咳嗽痰多喘急

南星 炮七次 半夏 炮七次各七錢 枯礬 二錢

右為末用姜糊和丸如麻子大辰砂為衣或雄黃為衣或青黛為衣每服二三十丸姜湯送下

杏蘇膏 治小兒咳嗽

杏仁 去皮尖炒一錢 紫蘇 二錢 陳皮 三錢

半夏 二錢 茯苓 二錢 黃芩 二錢 桔梗 一錢

五分 前胡 一錢五分 枳殼 二錢 甘草 五分

右為末煉蜜和丸如龍眼核大每服一丸姜湯化

下

生犀散 治小兒咳嗽痰盛喘滿心驚風熱

杏仁 桔梗 茯苓 前胡 人參 半夏

五味子 甘草 〇有熱加薄荷 羌活 麻黃

水一鍾姜一片煎五分不拘時服

抱龍丸 珍珠丸 二方俱見驚閃

補肺散 治嬰兒百疳內嗽此名乳嗽

阿膠炒 牛旁子 馬兜鈴 杏仁炒 糯米

甘草

水一鍾煎服或為末服亦可

白玉餅子 治小兒嗽痰吐瀉等症

寒食麵 一兩二錢 大半夏 十二個湯炮

滑石 一兩
巴豆 去壳油二錢五分

右為末水捏作餅子每歲一餅姜湯下

潤華膏 治咳嗽

天門冬 去心
麥門冬 去心 各一兩

紫苑 五錢

貝母 一兩
陳皮 二兩

桔梗 一兩

甘草 二錢

百合 百部 各五錢

杏仁 炒五錢

茯苓 一兩

○久嗽加款冬花 五味子 阿膠

○寒嗽加木香

○熱嗽加黃芩

為末煉蜜和丸如芡實大每服一丸噙化下或滾

白湯化下亦可

。喘急

麻黃杏子湯 治風喘急發散

麻黃 杏子仁 甘草 石膏

不用引煎服

雄硃定喘丸 治驚熱喘急痰盛

雄黃 硃砂 蟬蛻 全蝎 炒 僵蚕 炒 南星

白附子 各一錢 輕粉 五分

為末糊丸如麻子大每服十五丸茶清送下

真珠丸 治痰涎喘急

即青金丹方見前

○哮喘奇方

雄黃 一錢 寒水石 二錢 鸞管石 一錢五分

半夏 三錢 信石 五分 萊豆粉 五錢

石為末用姜糊丸如麻子大臨卧用茶清送下量

大小用

青州白丸子真方 治痰喘症大小皆可用

大半夏湯泡七次 一兩 白附子 洗淨略泡 一兩

川烏 去皮尖炮 一兩 天南星 洗淨略炮 一兩

天麻 一兩 全蝎 湯泡去鹽毒 一兩

右為細末用姜汁打糊和丸如麻子大量大小用
食後茶清下

人參丸 治小兒肺虛有痰作喘咳嗽

人參 五錢 半夏 湯泡姜汁浸一兩

甘草 炙三錢

南星 炮一兩

右為末用姜糊丸如黍大量大小用姜湯下

○脾胃

木香長生圓 治小兒受冷傷脾胃腹痛吐瀉

木香 五錢 蒼朮 炒一兩 甘草 炙三錢

乾姜 炮五錢 厚朴 人參 各七錢 陳皮 一兩五錢

香附 七錢五分 白朮 一兩

右為末蜜和丸如彈子大每服一丸姜湯化下

快膈丸 消乳食和脾胃

砂仁 陳皮 三稜 蓬朮 神麩 麥牙

香附 各等分

右為末糊丸如麻子大每服二三丸紫蘇湯送下

香砂平胃散 溫胃氣止嘔吐

木香 砂仁 蒼朮 炒 厚朴 陳皮 甘草

右為細末姜湯調下

代木丸 消食和脾

大麴 五錢 蒼朮 一兩 番米

為末糊丸菜豆大每服二三十丸白湯下

調中散 消小兒乳食不節寒溫失調致傷脾胃

人參 茯苓 白朮 甘草 木香 乾姜

藿香 香附 砂仁 丁香

水一鍾姜一片棗一枚煎服

○泄瀉

胃苓湯 治小兒水瀉惡心作脹小便不利

白朮 茯苓 甘草 陳皮 厚朴 蒼朮

猪苓 澤瀉 官桂

水一鍾姜棗煎五分不拘時服

助胃膏 治小兒冷氣入胃嘔吐泄瀉

人參 白朮 茯苓 甘草 砂仁 各五錢

白豆蔻 木香 二錢 丁香 五錢 山藥 一兩

肉果 麩炮 香附 各五錢 神麩 青皮 橘紅

藿香 各五錢 加扁豆

右為末煉蜜和丸如芡實大每服一九末湯化下

錢氏白朮散 治瀉作渴

白朮 茯苓 人參 藿香 乾葛 甘草

木香

右咬咀水一鍾姜一片煎五分服

燒針丸 治吐瀉久不止

國丹 五錢 白礬 煨枯一兩

右為細末用黑棗肉去皮和丸如龍眼核大每服
一九用針挑在燈頭上燒過研細清米飲調下

訶子散 治泄瀉

訶子 人參 茯苓 白朮 各一兩 木香

橘紅 甘草 肉豆蔻 麩裏炮各一兩五錢

右為末每服五分姜湯調下

白朮散 治泄瀉

白朮 人參 茯苓 甘草 炙各五錢 木香 三錢

藿香 三錢五分 乾葛 一兩 白扁豆 炒五錢

山藥 五錢 陳皮 三錢 麥芽 三錢 蓮肉 五錢

右為細末米湯調下

○如渴加滑石 嘔吐用姜湯調下

益黃散 治虛泄

陳皮 青皮 訶子 甘草 木香 肉豆蔻 炮

水一鍾姜一片黑棗一枚煎五分服

殊君散 治驚泄

方見慢脾風候

啟脾丸

人參 白朮 茯苓 山藥 山查肉 蓮子 各

一兩 陳皮 澤瀉 甘草 各五錢

右為末煉蜜和丸如菜豆大

○嘔吐

養胃湯 治小兒傷胃嘔吐不食

人參 白朮 砂仁 陳皮 甘草 茯苓

藿香

水一鍾姜一片棗一枚煎五分服

藿香安胃散 治小兒受寒嘔逆吐瀉

藿香 半夏 陳皮 厚朴 甘草 蒼朮

砂仁

水一鍾姜二片煎五分不拘時服

助胃膏 治小兒胃寒吐瀉不食脾胃虛弱

人參 白朮 茯苓 甘草 炙 丁香 各五錢

砂仁 四十個 白豆蔻 十四個 山藥 一兩

肉果 炮 四個

為末煉蜜和丸如芡實大每服一丸米飲化下

香檳餅 治小兒食傷脾胃腹痛吐瀉不思飲食

木香 陳皮 青皮 各一兩 厚朴 二兩姜製

砂仁 神麴 麥芽 蓬朮 三稜
各一兩 五錢

右為細末蜜和捏作餅子每服一餅米湯化下

消乳丸 治小兒傷乳食嘔吐

香附 砂仁 陳皮 甘草 神麴

右為末糊丸如。大每服三四十九丸姜湯送下

人參散 調中止吐除煩渴

乾葛 人參 茯苓 木香 甘草 藿香

右為末姜湯調下煎服亦可

消食丸 治小兒嘔吐腹痛宿食不化作脹

砂仁 三稜 陳皮 蓬朮 神麴 麥芽
各五錢

香附 烏梅肉 青皮 厚朴 各五錢 木香 三錢

除木香不見火餘藥各炒為末煉蜜和丸如龍眼
大每服一丸姜湯化下

香砂丸 治小兒停食嘔吐腹痛

人參 五錢 川芎 二錢 君子肉 三錢 神麩

麥芽 各五錢 木香 三錢 白朮 八錢 茯苓 五

錢 陳皮 五錢 厚朴 三錢

右為哎咀木香不見火餘藥共炒為細末蜜和丸
如龍眼大每服一丸米飲化下

木香橘餅子 吐瀉皆止

丁香 木香 訶子 各一兩 甘草 五錢

肉果 炮一兩 青皮 二兩 陳皮 四兩 砂仁

人參 各五錢

為末蜜丸捏作餅子每服一餅米湯化下

○霍亂

理中湯 治小兒吐瀉并四肢逆冷

人參 白朮 乾姜 炮 甘草 炙

每帖用水一鍾姜一片棗一枚煎五分服

和中散 和胃氣止吐瀉定煩渴

人參 茯苓 白朮 甘草 乾葛 黃芪

白扁豆 藿香

水一鍾姜一片棗一枚煎服

藿香正氣散 治頭痛壯熱感濕吐瀉

厚朴 藿香 大腹皮 陳皮 桔梗 紫蘇

白芷 茯苓 半夏 甘草 白朮

不換金正氣散 治夏月傷熱吐利黃色引飲

蒼朮 陳皮 厚朴 甘草 半夏 藿香

胃苓湯 治感冒暑邪作瀉

陳皮 蒼朮 厚朴 甘草 猪苓 澤瀉

白朮 茯苓 肉桂

○痢疾

木香化滯丸

治小兒痢疾初作不問赤白皆可服

木香 一錢

青皮 四錢

巴豆

十五粒去油作霜

為末水丸如菜豆大量大小用赤者甘草湯下白者姜湯下

豆蔻香連丸

即木香丸治赤白痢

黃連

三兩用菜萸炒紫去菜萸不用

木香 一兩

肉豆蔻 麩色

炮一兩

為末用粟米糊丸如菜豆大每服十五丸空心米

湯送下

茯苓白朮散 治痢或白或青

茯苓 白朮 人參 木通 肉果 炮 訶子

枳壳 甘草

水一鍾燈心五根陳米一撮煎五分食遠服

地榆芍藥湯 治赤痢腹痛

當歸 生地黃 地榆 芍藥 甘草 枳壳

黃連

水一鍾煎五分服

養臟湯 治小兒冷熱不調赤白痢下或如膿血魚

腦臍腹疼痛脫肛下墜

人參 訶子 粟壳 當歸 肉桂 木香

肉果炮 白朮 芍藥 甘草

水一鍾煎五分不拘時服

胃風湯 治下痢如豆汁

白朮 芍藥 川芎 人參 當歸 肉桂

茯苓 粟米

水一鍾煎五分不拘時服

香脯 治小兒刮腸下痢噤口不食

精猪肉 一兩批作薄片 膩粉

將猪肉於炭火上慢炙微鋪膩粉令勻以少許與
喫

杏棗丸

治噤口痢

杏仁 十個煮熟去皮尖

黃丹 二錢

紅棗 十個

煮熟去皮核

右搗成膏如丸不就入熟蜜少許丸作十九晒乾
用銀簪挑於燈上燒過研細酒調下

十棗丸 治小兒痢疾日久臟氣虛滑

紅棗

肥大者十個
蒸熟去皮核

好黃丹

水飛過乳細二錢

右二味搗爛為丸如芡實大每個用針穿孔仔晒

乾每服一九以針挑在燈頭上燒過研細米湯調

下

治噤口痢方

用鯽魚活者一個去腸不見水將韭菜細切上下
鋪以酒醋醬油三樣平入魚內蒸熟食之

○瘡疾

清脾湯 治小兒瘡疾熱多寒少

青皮 厚朴 白朮 甘草 茯苓 半夏

草果 柴胡 黃芩

水一鍾姜一片煎五分食前服

養胃湯 治內傷外感發瘧嘔吐

厚朴 蒼朮 半夏 藿香 草果 茯苓

人參 甘草 陳皮 白芷

姜一片棗一枚煎五分服

常山飲 治童子瘧病發作不止者

知母 貝母 半夏 甘草 茯苓 常山

人參 草果 厚朴

水二鍾姜棗煎五分空心服

爭功散 治單瘧不寒

柴胡 地骨皮 知母 貝母 常山 梔子

甘草 檳榔 蟬蛻 葛根 桃頭 柳頭

水一鍾煎五分空心服

瘡丹

真阿魏 三錢 雄黃 二錢 辰砂 一錢五分

用沸湯將阿魏泡研和雄黃為丸如乾加稀糊和丸每一丸空心滾白湯送下

○積滯

杏霜丸 治小兒積滯腹脹不食

杏仁 去皮尖作霜一兩 巴豆 去油膜作霜三錢

百草霜 七錢 油炒 黃蠟 七錢

以蠟化開和藥霜為丸如菜豆大量大小用白滾

湯送下

褐子丸 治小兒諸積肚大腹滿脫肛食不消化吐

瀉酸息乳食不調結成痞氣腫脹亦能治

之

木香 二錢五分 三稜 炒五錢 陳皮 五錢五分

蓬朮 五錢 胡椒 三錢 蘿蔔子 生用一兩五錢 炒熟用五錢

青皮 五錢 用巴豆五十個 同炒去巴豆不用

右為細末麵糊和丸如黍米大每服三十丸米湯

下

沉香化滯丸 治小兒驚食積氣腹脹發熱飲食不

化作疼傷食

沉香 木香 三稜炒 蓬朮 各二錢 青皮

陳皮 黃連 枳殼炒 白麵 各三錢

右為末糊丸如麻子大每服十五丸隨其加減米

湯送下

和中化積丸 治小腹中積痛

白朮 茯苓 枳實 山查 香附 陳皮各一

青皮 七錢 史君子 蓬朮 各五錢 檳榔

神麵 各一兩 官桂 木香 各三錢

○有熱去官桂 木香 加黃連

為末用麵糊和丸如麻子大每服三四十九薑湯送下 或蜜丸如龍眼大化服亦可

○腫脹

分氣飲 治腫脹作喘

赤茯苓 桑白皮 陳皮 大腹皮 枳壳

紫蘇子 草果 木通 半夏

水一鍾燈心七根姜皮一撮煎五分不拘時服

檳榔丸 治腹脹作腫

檳榔 三錢 黑牽牛 五錢 大黃 三錢 青皮 二錢

木香 一錢

右為末稀糊和丸如菜豆大量大小用蘿蔔子煎湯送下

葶藶散 治肺氣喘促渾身腫脹

苦葶藶 秦艽 檳榔 木通 桑白皮

赤茯苓 木香 陳皮 澤瀉 紫蘇子

杏仁

水一鍾姜一片燈心七根煎五分服

褐子丸 治食傷脾胃腫脹

蘿蔔子 黑牽牛 陳皮 三稜 蓬朮 胡椒

023329

木香 青皮

右為末糊丸如菜豆大每服十五丸紫蘇煎湯送下

醫方集宜卷八終